



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CHRISTO CAPITE|| TOTIVS ECCLESIAE,|| QVINQVE LIBRIS|| explicata.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XXII. Ex Scripturis ostenditur, Spiritum à Filio procedere.

[urn:nbn:de:hbz:466:1-53845](https://nbn-resolving.de/urn:nbn:de:hbz:466:1-53845)

CAPUT XXII.

Ex scripturis ostenditur, Spiritū à filio procedere.

Amagitur, quod Spiritus sanctus à Filio procedet. PRIMVM ex Scripturis demōstrandum est. Ait Iohannes 16. *Omnia quae habet Pater, measuntur. Et filius* 17. *Omnia tua mea sunt.* Ex quibus verbis ita concludi potest argumentum; Quidquid Pater habet, habet etiā & Filius, excepta solūm relatione paternitatis, ut Augustinus exponit: sed Pater habet esse principium Spiritus sancti, ergo & Filius id ipsum habet; Vnde Augustinus lib. 5. Trinit. cap. 2. *Est Filius, inquit, hoc omnino, quod Pater, non tamen Pater, quia iste Filius, ille Pater.* Vbi Augustinus sequens recte Domini docet Filium esse omnino idem cum Pate, excepta relatione paternitatis. Ex quo manifeste sequitur, etiam Filium spiratorem Spiritus sancti, nam hoc non est de trem, & tamen habet hoc Pater, ut sit spirator.

Deinde, si Pater, & Filius non haberent omnia communia excepta relatione opposita, distingueretur plus quam relatione, & proinde distinguerentur substantia; nam Pater, ut spirator, non est relatum ad Filium, ergo si ut spirator, distinguatur à Filio, distinguatur per spirationē, non ut relatio, sed ut est forma quedam in Patre subsistens: proinde Pater, & Filius in substantia differunt, quæ est hæresis Ariana.

SECUNDΟ probatur ex illis verbis eiusdem capituli: *ille medicus rificabit, quia de meo accipiet, & annunciatibus vobis.* Quisq[ue] so, accipiet à Filio Spiritus nisi scientia? nam paulo ante dicit, nō à se ipso loqueretur, sed quocunq[ue] audieret loqueretur. *scientia exponunt Chrysostomus, Cyrillus, & Augustinus;* non etiā Theophylactus, & Eutymius. *Quomodo autem spiritus accipere à Filio scientia, nisi accipiendo ab illo scientiam?* quidquid enim aliud dicatur? sicut Spiritus Sanctus.

Insinuant duas solutiones Theophylactus, & Eutymius. Primum dicunt, Spiritum accipere de scientia Filii, quoniam nihil docet contrarium iis, quæ docuit Filius. Deinde addunt illud, *de meo,* significare de meo thesauro, qui est Pater; ac Filius diceret, inde Spiritus accipiet, vnde ego acceperim.

At certè PRIMA solutio nō quadrat, nam non solum Chrysostomus dicit, *accipiet de meo,* sed etiā dicit, *nō loquetur à semper ipso;* vbi aperte indicat scientia Spiritus sancti non esse illa semper.

seipso, sed à Patre & Filio. SECUNDA solutio etiā non quadrat. nam thesaurus scientię in Deo nō est persona Patris prēcisè, vt persona, sed essentia diuina, quæ est cōmuniſ Patri, & Filio. nam & thesaurus, & scientia perfectionē absolutā signiſcant, quæ ſine dubio ipsa eſſentia eſt. Quocirca B. Paulus de Filio dicit Colof. 2. *In Christo Iesu oēs theſaurs ſunt ſcientia, et ſapientia Dei;* Spiritus ergo accipiēs de hoc theſauro, accipit neceſſariō de re cōmuni Patri, & Filio, & proinde nō magis ab uno accipit, q̄ ab alio. vnde Didymus lib. 2. & Cyrillus in hunc locum fatentur, hinc deduci, Spiritum à Filio eſſe.

Sed petes, cur dixit, *de meo*, & non potius, meam eſſentiā, ſeu ſapienſiā accipiet? & cur ait in futuro, accipiet, & nō potius in præterito, accepit? R E S P O N D E O, dixit, *de meo*, quia procedens de Filio Spiritus sanctus non totū id, quod eſt in Filio, accepit. non enim filiationem accepit, ſed eſſentiā, ex qua & filiatione cōſtituitur Filius ſecundum modū noſtrum cōcipiendi. Et hoc indicauit ipſe Dominus cūm ait: *Omnia qua habet Pater, mea ſunt*, ideo dixi, quia de meo accipiet, id eſt, accipiet id quod eſt cōmune mihi, & Patri, non autē propria utriusque. Cur autē dixerit in futuro, ratio eſt, quia acceptio illa æterna eſt, & continent in ſe virtute omnia tēpora, & ad omnia tempora accommodari potest. Vnde S. A V G V S T I N U S exponens hunc locū, ſic ait: Erit, fuit, eſt. Erit, quia nunquam deerit; fuit, quia nunquam defuit; eſt, quia ſemper eſt. Itaq; cūm omnia tempora in æternitate cōtineantur, & omnes propositiones de rebus æternis veræ ſint, quocunq; tempore exprimantur: Scriptura varia tēpora exprimit, prout res, de qua agitur, poſtulat. hoc autē loco deſcribitur Spiritus sanctus tanquam legatus à Pater & Filio mittendus ad Apostolos: Legati autem tunc ſolent instrui, quando mittuntur, ideo dicit quæcunque audiet, & de meo accipiet.

TERTIO probatur ex eodem textu, vbi legimus: *Si non abiero, paracletus non veniet ad vos, ſi autem abiero, mittam eum ad vos.* Et cap. 15. *Cūm venierit paracletus, quem ego mittam vobis à Pater.* Omnis missio aut eſt per imperium, quomodo mittuntur ſerui à dominis; aut per consilium, quomodo mitti dicuntur qui instruuntur à ſapienſioribus, vt cūm mittuntur ḥagrotiā medico ad capiendam medicinam; aut per naturalem productionē, quomodo arbores mittere dicuntur.

dicuntur radices, emittere flores, &c. Certum autem est Sp̄ritum sanctum non posse mitti ut seruum, vel ignorantem i potentiore vel sapientiore; constat enim internos & Gr̄acos, Sp̄iritum sanctum esse Deum, ergo missio eius est intelligenda secundum productionem. & hoc idem confirmatur ex Avgvst. lib. 4. Trinit. cap. 19. 20. & sequentibus, quidam cit Filium mitti, esse Filium nasci, Sp̄iritum sanctum modis esse Sp̄iritum sanctum procedere.

RESPONDENT Gr̄eci, missionem Sp̄iritus S. per Filium, vel à Filio non significare processionem, quoad incrementum subsistētiam, sed missionem externam ad creaturam per donorum largitionem; & quoniam etiam Filius dona hominibus gratiam, fidem, sp̄em, caritatem, ideo dicitur dare, seu mittere Sp̄iritum sanctum, quia nimis dona que dicuntur Sp̄iritus sancti.

At certè quando dicitur dari seu mittere Sp̄iritus sanctus, solum datur dona creata, sed cum donis illis datur etiā recte, & mititur Sp̄iritus S. & contrarium afferere est manifestus error. Nam Rom. 5. dicitur: *Caritas Dei diffusa est in omnibus nostris per Sp̄iritum S. qui datus est nobis.* Vbi vides spernere distingui Sp̄iritum sanctum & dona eius, & utrumque dari? Item 1. Cor. 6. *Membra vestra templum sunt Sp̄iritum sancti, quē habetis in vobis.* Et infra: *Portate Deum in corpore vestro.* At certè dona Sp̄iritus sancti non sunt Deus, neque illis debetur templum. Et 1. Ioan. 4. *Qui manet in caritate, in Deum manet, et Deus in eo.* Ergo non sola caritas in nobis manet, quia non est Deus, sed manet verè ipse Deus. Denique quā dicuntur Ioan. 16. *Si non abiiero, paracletus non veniet ad vos.* Iō. 16. *Si abiiero, mittam eum ad vos.* Et Ioan. 14. *Alinn paracletus dabit vobis, et ceteri non nisi absurdissimè exponentur de donis.* Dona enim nec veniunt, nec mittuntur, nec possunt confiri cum Christo, ut unus paracletus cum alio.

Accedat auctoritas Patrum, Ambrosij lib. 1. de Sp̄iritu sancto, cap. 4. & 5. Augustini lib. 15. Trin. cap. 26. Chrysostom. cap. 5. ad Rom. Cyrilli in cap. 16. Ioannis. qui omnes ipsorum Deum Sp̄iritum sanctum à Filio mitti docent.

Accedat postremò manifestissima ratio; nam si deo dicitur mitti Sp̄iritus à Filio, quia Filius est auctor donorum, posset etiā dici mitti Pater à Filio, immo & Pater & Filius à Sp̄iritu

Spiritu sancto, quia quilibet persona est auctor omnium donorum. ITEM si mitti Spiritum à Filio esset mitti dona eius, etiam cùm legimus Filium à Patre missum in mundum, possent, qui id non credunt, respondere, non esse missum verè Filium, sed aliquod donum creatum, & sic euacueretur mysterium incarnationis.

Fortassè dicent, venire quidem ad nos ipsum Spiritum sanctum, sed dici mitti à Filio, quia ille fuit causa suis meritis, ut ad nos veniret Spiritus sanctus. Sed hoc modo possit etiam dici, mitti Patrem à Filio. Nam suis meritis fuit etiam causa, ut ad nos Pater veniret, iuxta illud Ioan. 14. *Si quis diligit me, sermonem meum seruabit, Et Pater meus diliger eum, Et ad eum ventemus.* Paritatione si dicant à Filio mitti Spiritum sanctum, quia Filius consentit ut veniat. eodem modo dicam Patrem à Filio, & Spiritu sancto mitti.

Nec obstat quod Isa. 48. & 61. dicitur, *Filius à Spiritu mitti, à quo tamen non procedit. Nam Filius mittitur à Spiritu, quatenus homo est, secundum quam formam verè Filius à Spiritu sancto est, ut à causa actiua id patet Luc. 4. Spiritus Domini super me, eo quod conxerit me, euangelizare pauperibus misit me.* Secundum eam formam igitur Spiritus misit Filium, secundum quā est super eum, & illum vnxit. Quæ cùm ita sint, aut oportet ex Euāgeliō delere illa verba Christi de Spiritu sancto, *ego mittam eum,* aut certè concedendū est, Spiritum sanctum à Filio procedere per internam atque æternam hypostasis eius productionem.

Cur autē dicat Filius, *mittam*, in futuro, cùm tamen processio sit æterna, facile potest explicari; nam missio duplē relationem importat, unam ad eum, qui mittit, alteram ad eum, ad quem mittit. Quantum ad primā relationem, missio est æterna, & de omni tempore verificari potest: at quantum ad secundā, est temporalis. Mittitur enim Spiritus sanctus ad homines, quādō incipit in eis esse novo modo, id est, per cognitionem & amorem, id est, quando incipit cognosci & amari per infusa ab ipso dona. Quoniam ergo ista missio quoad terminum ad quem, futura erat, quoad terminum à quo semper fuit, est, & erit: ideo dictum est mittam; sic enim est vera propositio quoad totam rationem missionis.

Quarto probatur ex illo Ioan. 20. *Insufflanis* Et dixit,
accipite

accipite Spiritum sanctum. Hac enim cæremonia, ut explunt Augustinus lib. 3. in Maximi. cap. 14. & Cyrilus lib. in Ioan. cap. 56. significare voluit Christus, à se procedere spiritum sanctum. THEOPHYLACTVS quidem scribens in cap. 3. Ioann. ridet hoc argumentum, sed quām bene ipsuiderit; nam nullam ipse eius cæremoniæ caussam reddere potest. Et præterea ipso doctiores, sanctiores, & antiquiores sunt Cyrilus, & Augustinus, qui hoc argumento vintur. Nec dubito, quin ridendus sit ipse non modiculans, si Augustinum ridere voluerit, sed etiam à Graciellum.

QVINTO probatur ex illo Roman. 8. Si quis spiritum Christi non habet, hic non est eis. Et Galat. 4. Quoniam estis Filij Dei, misit Deus spiritum Filij sui in corda vestra clamantem Abba Pater. Cur enim dicitur Spiritus sanctus, spiritus Filij? certè non quia est seruus eius, vel quia est frater eius, sed quia spiratur ab eo, quomodo etiam dicitur spiritus Patris. Roman. 8. Si spiritus eius qui fecerit in te Iesum, &c. Et Matth. 10. Spiritus Patris vestri loquens in Sibis.

Dicent fortassè, vocari Spiritum sanctum, spiritum filii, quia simul cum illo à Patre procedit, vel quia est similis, aut alia de causa, non autem quia spiratur à Filio. Ardita est, cur non possit eadem ratione dici Christus Filius, aut Verbum spiritus sancti, quod tamen nusquam legimus. Non potest responderi, Filium habere relationem ad Patrem, Verbum ad dicentem; nam etiam spiritus habet relationem ad spirantem. Sicut ergo spiritus sanctus, licet à Illo non spiretur, potest dici spiritus Filii, quia est illi similis in essentia, & cum eo simul à Patre procedit: ita quoque filius sancti, quia est illi similis in essentia, & cum eo simul à Patre procedit. Atque hoc argumentum tanti fecerit Augustinus, ut tractat. 99. in Ioann. hoc solo argumento contentus fuerit ad probandum spiritum sanctum à Filio procedere.



CAPIT